



**12/2014 Irizpena**

**“Nafarroako Foru Komunitatean Natur Ingurunearen Aprobetxamenduko eta Zaintzako teknikari tituluaren egitura eta curriculuma ezartzen dituen foru dekreturako” egitasmoaren gainean.**

*Nafarroako Eskola Kontseiluaren batzorde iraunkorrak 2014ko ekainaren 30ean onetsia*

<p><b>Pedro González Felipe jn.</b> Kontseiluburua <b>Ignacio Iriarte Aristu jn.</b> Idazkaria <b>Santiago Álvarez Folgueras jn.</b> Guraso elkarteen federazioetako ordezkaria (HERRIKOA) <b>Pedro María Baile Torrea jn.</b> Guraso elkarteen federazioetako ordezkaria (CONCAPA) <b>Fernando Barainca Lagos jn.</b> Ikastetxe pribatuetako irakasleen ordezkaria (FSIE-SEPNA) <b>Iñaki Berasategi Zurutuza jn.</b> Ikastetxe publikoetako irakasleen ordezkaria (LAB) <b>Juan Ramón Elorz Domezáin jn.</b> Hezkuntza Administrazioiko ordezkaria <b>J. Jorge Lanchas jn.</b> ANEG-FEREko ordezkaria</p> <p><b>Bertaratu ez izateagatik desenkusatu dira:</b></p> <p><b>José Miguel Gastón Aguas jn.</b> Ikastetxe publikoetako irakasleen ordezkaria (STEE-EILAS)</p>	<p><b>12/2014 Irizpena</b></p> <p>2014ko ekainaren 30eko Nafarroako Eskola Kontseiluaren batzorde iraunkorren parte hartu zuten ondoan aipatu ditugun lagunek. Bertan irizpena onetsi zen, aldeko 5 botorekin, kontrako 1ekin eta abstentzio 1ekin, ondoko egitasmoaren gainean: “Nafarroako Foru Komunitatean Natur Ingurunearen Aprobetxamenduko eta Zaintzako teknikari tituluaren egitura eta curriculumaz ezartzen dituen foru dekreturako egitasmoa”.</p>
--	---

## 1 - ARAU AURREKARIAK

Aurkeztutako foru dekreturako egitasmoak honako arau erreferentziak ditu:

- 13/1982 Lege Organikoa, abuztuaren 10ekoa, Nafarroako Foru Eraentza Berrezarri eta Hobetzeari buruzkoa.
- 5/2002 Lege Organikoa, ekainaren 19koa, Kualifikazioei eta Lanbide Heziketari buruzkoa.
- 2/2006 Lege Organikoa, maiatzaren 3koa, Hezkuntzari buruzkoa.
- 2/2011 Lege Organikoa, martxoaren 4koa, Ekonomia Iraunkorrari buruzkoa.
- 1071/2012 Errege Dekretua, uztailaren 13koa, Natur Ingurunearen Aprobetxamenduko eta Zaintzako teknikari titulua ezartzen duena.

- 1147/2011 Errege Dekretua, uztailaren 29koa, Lanbide Heziketaren antolamendu orokorra ezartzen duena.
- 54/2008 Foru Dekretua, maiatzaren 26koa, Lanbide Heziketaren antolamendua eta garapena arautzen dituen Nafarroako Foru Komunitateko hezkuntza sisteman.

## **2.- ARAUAREN JUSTIFIKAZIOA**

Nafar gizartea murgildurik dago gertatzen ari diren aldaketei egokitzeko prozesu batean. Hala, merkatuen globalizazioak eta informazioaren gizartearen etengabeko aurrerapenak markatutako panorama berri baten aurrean gaude.

Testuinguru honetan, Europar Batasunak enplegurako agintzen dituen estrategia koordinatuek ahalegin berezia egiten dute mugitzeko eta askatasunez zirkulatzeko gai izanen den biztanleria aktibo kualifikatua lortzeko. Eta horren garrantzia berariaz azpimarratzen da Europar Batasuneko Tratatuan.

Azaldutakoagatik, beharrezkoa da Lanbide Heziketaren araudi esparrua berritzea, lanbide kualifikazioen eta lan merkatuko beharren artean lotu nahi den lotura une oro bermatzearen.

Foru dekreturako egitasmo honek, zeinaren bitartez Natur Ingurunearen Aprobetxamenduko eta Zaintzako teknikari tituluaren curriculuma ezartzen den, gizarte eta araudi esparru berri honi erantzun nahi dio eta, orobat, hurrengo beharrak kontuan hartu:

- Beharrezko prestakuntza ematea gure Komunitatean laborantzaren sektorean dagoen profesional eskaerari erantzuteko. Profesional horiek basoberritze lanak, hidrologia eta basoak leheneratzeko edo antolatzeko lanak eta basoaren aprobetxamenduko lanak eginen dituzte eta, halaber, natur ingurunea zaindu eta kontrolatuko dute basoko instalazioak eta makineria erabiliz eta mantenduz.
- Profesionalizazioa eta eguneratzea bermatzea, beren edo besteren kontura, ingurumenaren sektorean lan egiten dutenei.
- Eskulan gero eta kualifikatuagoa bermatzea, natur ingurunea ezagutzen duena, eta kalitatearekin, lan arriskuei aurrea hartzearekin, eta ingurumenaren babesarekin loturiko eginkizunak bere gain hartuko dituen, taldean lan egiteko jarrera, berrikuntzari irekitako espirtua izatea eta enpresaren bizitzan inplikatzeko balioetsiko direlarik.
- Etengabeko prestakuntza ematea langileei eta, horretarako, lanbide moduluen eskaintza partziala diseinatzea prestakuntza unitateak ezarriz. Horrela,

erreferentzia gisa erabiltzen ahal dira, profil profesionala osatu edo eguneratu beharra duten langileen prestakuntzarako.

### **3.- FORU DEKRETURAKO EGITASMOAREN DESKRIBAPENA**

Eskola Kontseiluaren irizpidepeko foru dekreturako egitasmoa osatzen duten atalak hauek dira: zioak, hamaika artikulua, bi xedapen gehigarri, xedapen iragankor bat, xedapen indargabetzaile bat, bi azken xedapen eta zazpi eranskin.

Zioetan aipatzen dira, batetik, araudiko aurrekariak, eta bestetik, alderdi estrategikoak eta arau berriak. Alderdi horiek justifikatzen dute titulu honen egitura eta curriculuma ezarri beharra.

Artikuluen eta xedapenen edukia honako hau da:

1. artikulua. Xedea.
2. artikulua. Identifikazioa.
3. artikulua. Lanbide erreferentea eta lanbide jarduna.
4. artikulua. Curriculuma.
5. artikulua. Lanbide moduluak eta prestakuntza unitateak.
6. artikulua. Heziketa zikloan sartzeko bideak.
7. artikulua. Ziklotik beste ikasketa batzuetara sartzea.
8. artikulua. Baliozkotzeak eta salbuespenak.
9. artikulua. Lanbide moduluen eta gaitasun unitateen arteko korrespondentzia.
10. artikulua. Irakasleak.
11. artikulua. Espazioak eta ekipamenduak.

Lehenengo xedapen gehigarria. Tituluaren baliokidetasunak.

Bigarren xedapen gehigarria. Beste lanbide gaikuntza batzuk.

Xedapen iragankor bakarra. Aurreko tituluko ikasleen eskubideak eta trantsizio prozesua.

Xedapen indargabetzaile bakarra. Beste arau batzuk indargabetzea.

Azken xedapenetan lehena. Ezarpena

Azken xedapenetan bigarrena. Indarra hartzea.

Azkenik, foru dekreturako egitasmoak zazpi eranskin hauek ditu:

1. eranskina. Lanbide erreferentea.
2. eranskina. Curriculuma.
3. eranskina. Prestakuntza unitateak.
4. eranskina. Baliozkotzeak eta salbuespenak.
5. eranskina. Lanbide moduluen eta gaitasun unitateen arteko korrespondentzia.
6. eranskina. Irakasleak.
7. eranskina. Espazioak.

#### **4. FORU DEKRETURAKO EGITASMOAREN TESTUARI BURUZKO BESTELAKO GAIAK**

Arauko testuari agiri hauek gehitu zaizkio: araudiko memoria, memoria ekonomikoa, justifikazio memoria, antolaketa memoria, generoaren eragineko txostena eta prozedura hasten duen martxoaren 12ko 21/2012 Foru Agindua.

#### **5. IRADOKIZUNAK ETA OHARRAK**

Nafarroako Eskola Kontseiluak bidezkotzat jo du Nafarroako Foru Komunitatean Natur Ingurunearen Aprobetxamenduko eta Zaintzako teknikari tituluaren egitura eta curriculuma ezartzen dituen foru dekretuaren proposamena.

Horrenbestez, hura tramitatzearen aldeko irizpena eman da.

Iruñean, 2014ko ekainaren 30ean

O. E.  
Kontseiluburua,

Idazkaria,

Pedro González Felipe

Ignacio Iriarte Aristu

NAFARROAKO GOBERNUKO HEZKUNTZAKO KONTSEILARI JN.